

## Script Of Evening Gojri News Bulletin 09 June 2024 at 1700 Hrs

ایونٹنگ گو جری نیو ز بلیٹن مو رخہ 09 جون 2024

\*\*\*\*\*

یوہ آکا شوانی جموں بے عبدالمجید تے باغ علی طاہرتیں خبر سُنو۔ پہلاں خاص خاص خبر۔

\*\*\*\*\*

1★۔ بی جے پی غا سنئیر لیڈر نریندرمو دی آج شام نویں وزارتی کونسل غے ہمراہ وزارتِ عظمیٰ غو حلف لیں گا۔

2★۔ انتظامی کونسل نے 2 ہزار 25 کنال 3 مرلہ آراضی صنعتی ڈھانچہ غی تعمیر غی کاطر منتقل

کی ہے۔ اس توں علا وہ 1 ہزار 7 سو کنال آراضی تفریحی پارک غی خاطر منتقل کی گئی ہے۔

3★۔ فوج غو کہنو بے جے چناواں تیں پہلاں وادی کشمیر مانہ حالات پُر امن رکھن بارے اقدامات کیا جا رہیا ہیں۔

4★۔ تے مرکزی وزارتِ تعلیم نے نیٹ یوجی امتحاناں غا نتیجاں غا معاملہ وراک کمیٹی قائم کی ہے۔

\*\*\*\*\*

خبریں غی تفصیل نال پہلاں باغ علی طاہر۔

### PM Seating in Ceremony

نامزد وزیر اعظم نریندرمو دی تے اُن وزارتی کونسل غا وزیراں نانہ آج شام راشٹر پتی بھون مانہ صدر جمہوریہ درپو دی مرمو عہدہ تے راز داری گو حلف دوا رہی ہیں۔ استوں پہلاں صدر جمہوریہ نے نامزد وزیر اعظم نریندرمو دی نانہ نویں سرکار بنان غی دعوت دتی۔ حلف برداری غی تقریب شام 7 بج غے 15 منٹ ورا منعقد کی جائے گی۔ واضح رہے جے گذشتہ جمعہ آلے روز جناب مو دی نے صدر سنگ ملاقات کر غے نویں سرکار بنان غو دعوو پیش کیو تھو۔ استوں علا وہ بی جے پی صدر جے پی نڈہ غی قیادت مانہ این ڈی اے وفد نے وی صدر سنگ ملاقات کر غے اُن نانہ جناب مو دی غا بی جے پی پارلیمانی پارٹی غو صدر چُنیا جان با رہے اک خط پیش کیو۔ مہارا نمائندہ نے جانکاری دیتاں واں دسیو بے جے حلف برداری غی اس تقریب مانہ کئی گوانڈی مُلکاں گا لیڈراں نانہ وی شمولیت غی دعوت دتی گئی ہے۔ جناب مو دی لگاتار تیجی وری وزارتِ عظمیٰ غو عہدو سمبھال رہیا ہیں۔ گو نڈی مُلکاں غے علا وہ تے بحر بند خطہ غا مُلکاں غا کئی لیڈر وزیر اعظم غی حلف برداری غی اس تقریب مانہ شرکت کر رہیا ہیں۔

\*\*\*\*\*

### PM Tea Party

نامزد وزیر اعظم نریندرمو دی نے آج نویں دہلی مانہ اپنی رہائش گاہ وراک ٹی پارٹی غو اہتمام کیو۔ بعد مانہ آج شام نانہ وے تیجی وری وزارتِ عظمیٰ غا عہدہ غو حلف چاویں گا۔ بی جے پی غا لیڈر آمت شاہ، جے پی نڈا، ڈاکٹر ایس جے شنکر، نرملا سیتا رمن، تنن گڈکری، دھرمیندر پر دھان، پیوش

گو ٹل، جیوترا دتیا شندھیا تے کرن رجیجو نے چاہ غی اس دعوت مانہہ شمولیت کی۔ ان توں علا وہ اس موقع ور ایل جے پی رام ولاس گا سربراہ چراغ پاسوان وی وزیر اعظم غی ربا ئش گاہ ور موجو دتھا۔

\*\*\*\*\*

#### Council Decisions

لیفٹنٹ گو رنر منوج سنہا غی قیا دت مانہہ انتظامی کونسل غی اک میٹنگ غے دوران ضلع بڈگام، اننت ناگ، شوپیاں تے ریا سی مانہہ گُل 2025 کنال 3مرلہ زمین صنعتی ڈھانچہ غی تعمیر غی خاطر منتقل کیگئی ہے۔ اس توں علا وہ 1 ہزار 7 سو 50 کنال 17 مرلہ آراضی ربن غا حقوق سنگ 40 بہراں غا پٹہ ور ضلع کشتواڑ غی ناگ سینی تحصیل غا گراں گلہار بھاٹہ مانہہ چناب ویلی پا ور پروجیکٹس پرائیوٹ لمیٹڈ واسطے حاصل کی گئی ہے۔ انتظامی کو نسل نے میٹنگ غے دوران 1 سو 39 ایکڑ آراضی ٹٹو گراؤنڈ سرینگر مانہہ اک تفریحی پا رک بنایا جان غی خاطر ایس پی وی غا قیام واسطے مرکزی سرکا ر نانہہ یو ٹی سرکا ر غی رضامندی نانہہ وی منظوری دتی گئی۔

\*\*\*\*\*

#### Lt Governor

لیفٹنٹ گو رنر منوج سنہا نے کل اک اعلیٰ سطحی میٹنگ غے دوران آئندہ ماتا کھیر بھوانی میلہ تے عید الضحیٰ غا تہوار تیں پہلاں ضلع انتظامیہ غی تیاریاں غو جائزو لیو۔ اُنہاں نے تمام ڈپٹی کمشنراں تے ایس ایس پیز نانہہ بذاتِ خود مذہبی مقامات غو دورو لا غے تمام ضروری اقدامات یقینی بنان غی ہدایت کی۔ تانجے ان تہواراں نانہہ پوری عقیدت سنگ پُر امن طور ور منایو جا سکے۔

\*\*\*\*\*

#### Chassana Fire

ضلع ریا سی غا چسانہ گراں مانہہ اگ زنی غی اک واردات مانہہ 2 دُکان تے اک گھر جل غے سچی ہو گیا ہیں۔ پولیس کنٹرول روم ریا سی غے مطابق اس واردات مانہہ کسے جانی نقصان غی خبر نہیں ہے۔

\*\*\*\*\*

#### Gharana Wetland

آرا یس پو رہ غا گھرانہ ویٹ لینڈ مانہہ زیا دہ تیں زیا دہ سیلانیان نانہہ راغب کرن غا مقصد نال گرمیاں غا موسم مانہہ اِت تیاریں زوراں ور جا ری ہیں۔ جنگلات محکمہ گا ضلع افسر ڈی ایف او وجے کمار نے اِت متی تعداد مانہہ لوکاں نانہہ راغب کرن غی خاطر بکھ بکھ حکمت عملیاں با رے دسیو جے اِت قدرتی خوبصورتی تے دوجی سہولیات نانہہ بہتر کرن واسطے کو شش کی جا رہی ہیں۔ اس با رے ڈی ایف او نے اس طرح کہیو۔۔۔ ہاٹ۔۔

\*\*\*\*\*

یہ خبر تم آکا شوانی جموں تیں سُن ریاا بیں خبراں غا با قی حصہ نال عبدالمجید۔

GOC 15 Corps

سرینگر مانہ فوج غی 15 ویں کو ر غا جنرل افسر کمانڈینگ لیفٹنٹ جنرل راجیو گھائی نے کہیو ہے جے اس سال ستمبر مہینہ مانہ آئندہ اسمبلی چناؤ تیں پہلاں کشمیر مانہ سلامتی صورتحال ستحکم رکھن واسطے تمام اقدام کیا گیا بیں با رہمولہ مانہ جنرل پین راوت اسٹیڈیم مانہ منعقدہ کرگل غا شہیداں با رے تقریب غے کئی ذرائع ابلاغ غا نمائندہ نال گل کرتاں واں اُنہاں نے یاہ گل کہی۔ ڈی جی پی آر آر سوین غی طرفوں گذشتہ روز یاہ گل دسیا جان ور جے جموں کشمیر مانہ 70 تیں 80 غیر ملکی دہشت گرد متحرک بیں غا جواب مانہ جی او سی نے کہیو جے یاہ گل صحیح ہے تے تمام سلامتی ایجنسی غیر ملکی دہشت گرداں نال نمڑے گی۔

\*\*\*\*\*

NEET

مرکزی وزارتِ تعلیم نے اک چار ممبری پینل تشکیل دتو ہے۔ تانجے 1 ہزار 5 سو تیں متا امیدواراں نانہ رعائیتی نمبرات دتا جان غا معاملہ غو جائزو لیو جا سکے۔ یہ گریس مارک یعنی رعائیتی نمبرات اِن امیدواراں نانہ نیٹ آنڈر گریجوٹ انٹرنس ٹیسٹ مانہ دتا گیا بیں۔ اک پریس کا نفرنس سنگ خطاب کرتاں واں قومی ٹیسٹنگ ایجنسی این ٹی اے غا ڈائریکٹر جنرل سبودھ کمار سنگھ غو کہنو ہے جے اِس پینل غی سربرابی یوپی ایس سی غا سابق چئیرپرسن کریں گا۔ این ٹی اے غا ڈی جی غو کہنویے جے یاہ کمیٹی اک ہفتہ غے آند آندر اپنی سفارش پیش کرے گی۔ تے اِن اُمید واراں غا نتیجہ فر تیں نویں سیریں کڈھیا جائیں گا۔

\*\*\*\*\*

UP Law

اُتر پردیش غی سرکار پیپر لیک معاملن ور روک لان غی خاطر اک نوون قانون متعارف کرواے گی۔ لکھنؤ مانہ پہرتی کمیشناں غا سربراباں سنگ کل اک اعلیٰ سطحی میٹنگ غے دوران خطاب کرتاں واں وزیر اعلیٰ یوگی آدتیہ ناتھ نے کہیو جے پیپر لیک جیسی سرگرمیاں یاہ فر پیپر حل کرن آلا گروپاں غی سرگرمیاں نانہ برداشت تیں کیو جائے گو۔ تے ایسا جرائم غی پا داش مانہ سخت تے مثالی کا روائی کی جائے گی۔

\*\*\*\*\*

Female Supervisor Exam

خواتین سپر وائزر امتحان نانہ احسن طریقہ نال منعقد کران نانہ یقینی بنان واسطے ضلع انتظامیہ پو نچھ نے 320 ملازماں نانہ خصوصی تربیت دتی ہے۔ اِن ملازماں مانہ 3 سو کالسریں تے 20 مرد ملازم شامل تھا۔ سروس سلیکشن بورڈ غی طرفوں منعقد کراپا جان آلا اس امتحان غا

سلسلہ مانہہ یاہ ٹریننگ اک تیاری تھی۔ ضلع پونچھ مانہہ خواتین سپر وائزر امتحان 15 امتحان مراکز مانہہ منعقد ہووے گو۔ جن وچوں 11 امتحانی مرکز پونچھ تے 4 سرنکوٹ مانہہ قائم ہوویں گا۔

\*\*\*\*\*

### Gojri Literary Society

گو جری لیٹری سوسائٹی جموں نے حمایت پروڈیکشن غا تعاون سنگ معروف افسانہ نویس، فنکار، پرڈیو سر تے صحافی ایڈوکیٹ مرحوم غلام رسول اصغر نانہہ اک تقریب غے دوران خراج عقیدت پیش کیو۔ یاہ تقریب گورجر دیش چیرٹیبل ٹرسٹ گورجر کالونی جموں غا سروری کسانہ حال مانہہ منعقد کی گئی۔ اس تقریب مانہہ آدیباں، صحافیاں تے دانشوراں نے شرکت کی۔ اس تقریب غو آغاز تلاوت کلام پاک سنگ کیو گیو۔ جد کہ طیب رضا گیلانی نے نظامت غا فرائض انجام دتا، اس تقریب مانہہ شرکت کرن آلی شخصیات غو گو جری لیٹری سوسائٹی جموں غا صدر طارق ابرار نے استقبال کیو۔

\*\*\*\*\*

### Youth Cricket

پریڈ اسپورٹس ایسو سی ایشن تے لکشمی کرکٹ کلب جموں گا پریڈ گراؤنڈ مانہہ سمر کرکٹ کو چینگ کیمپ غو انعقاد کرے گو۔ اس کیمپ مانہہ 12 بہراں تیں 16 بہراں غا لڑکا تے لڑکیں کرکٹ با رے جامع تربیت حاصل کریں گی۔ کرکٹ کھیڈ با رے تربیت غو یوہ کیمپ جون مہینہ مانہہ جا رہ گو جت خطہ غا نوجوان کرکٹر اُمید ہے جے کا فی دلچسپی لیں گا۔ اس کیمپ غی 30 جون نانہہ اختتامی تقریب منعقد ہووے گی۔ جس مانہہ اس دوران نوجوان کرکٹ کھلاڑیاں غی حصولیابیاں با رے دسیو جاے گو۔ پریڈ اسپورٹس ایسو سی ایشن غا ممبر نے اس با رے اس طرح کہیو۔

\*\*\*\*\*

### Night Cricket Poonch

زمینی سطح ور کھیڈاں نانہہ بابدو دین تے لوکاں نانہہ اس پا سے راغب کرن غا اک قدم غے طور ور نوجوان خدمات تے اسپورٹ محکمو 10 جون تیں پونچھ مانہہ پہلی واری رات غے دوران کرکٹ مقابلہ غو انعقاد کرے گو۔ ان تا ریخی مقابلہ مانہہ ضلع غا بکھ بکھ علاقہ تیں 20 ٹیم حصو لیں گی۔ نوجوان خدمات تے کھیڈاں با رے ضلع افسر مول راج اتم نے اس تقریب با رے خوشی غو اظہار کیو ہے۔

\*\*\*\*\*

### India Vs Pakistan

ٹی ٹوائٹی عالمی کپ غا اک میچ مانہہ اج بھارت غو مقابلو پاکستان سنگ ہو ریو ہے۔ گروپ اے غو یوہ دوجو مقابلو ویگو۔ ناسوو کو نٹی بین القوامی کرکٹ اسٹیڈیم نیو یا رک مانہہ دوباں روائٹی

حریفان بشکا ریوہ ٹی ٹوائٹی عالمی کپ مقابلو شام 8 بجے شروع ویگو۔ یوہ مقابلو ریڈیو تے ٹیلی  
ویژن ور براہ راست نشر تے ٹیلی کا سٹ کیو جائے گو۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔

News Read By:-Bagh Ali Tahir & Abdul Majid

News Editor:-Yogesh Kumar Sagotra

DEO:- Alam Khan

Skill:- Tarseem Lal